

Tollskrá	Vörutegund	Innflutnings- kvóti 1964
Kafli nr.		
97.01.00—		
97.03.00		
97.04.01		
97.04.09		
97.05.00	Leikföng og smálíkön til leikja og skemmtunar; samkvæmisleiktæki fyrir börn og fullorðna, þó ekki spil, grímuballsvörur, skemmtitæki, t. d. til töfrabragða, sjónhverfinga o.þ.h.: jólatrésskraut og annað jólaskraut	kr. 1 500 000
99.01.00—		
99.06.00	Listaverk, safnmunir og forngripir	— 500 000
	Vörur, sem falla undir önnur tollnúmer og ekki er frjáls innflutningur á	— 500 000
		<hr/>
		Kr. 46 185 000
59.04.01	Færi og linur til fiskveiða	300 tonn
59.04.02	Kaðlar, þó ekki grastóg	600 —

Ofangreindir innflutningskvótar gilda um vörukaup frá öðrum löndum en jafnkeypslöndum (Austur-Þýzkalandi, Brazíliu, Póllandi, Rúmeníu, Sovétríkjunum, Tékkóslóvakíu og Ungverjalandi).

Úmsóknir um fyrstu úthlutun skulu hafa borizt Landsbanka Íslands eða Útvegsbanka Íslands fyrir 20. janúar 1964.

Viðskiptamálaráðuneytið, 30. desember 1963.

Gylfi Þ. Gíslason.

Þórhallur Ásgeirsson.

S A M Þ Y K K T

um afgreiðslutíma verzlana í Reykjavík o. fl.

1. gr.

Samþykktin tekur til hvers konar smásöluverzlana í Reykjavík þ. á m. sölu-
turna, svo og einnig til brauð- og mjólkurbúða.

Um daglegan vinnutíma og önnur starfskjör fólks, sem vinnur í starfsgreinum þeim, sem samþykkt þessi tekur til, fer eftir hlutaðeigandi kjarasamningum og venjum, er tíðkæzt hafa í hverri grein.

Borgarstjórn getur með samþykki ráðherra ákveðið, að fyrirmæli þessarar samþykktar taki að nokkru eða öllu leyti til afgreiðslutíma annarra fyrirtækja, sem hafa hein viðskipti við almenning, t. d. rakarastofa, hárgreiðslustofa, ljósmynda-
stofa, viðgerðarverkstæða o. s. frv.

Undanþegnar ákvæðum samþykktarinnar eru þó lyfjabúðir, bifreiðastöðvar og benzinafgreiðslur. Ekki ná ákvæðin heldur til sjálfsala, blaðsölu á götum, merkja-
sölu og annars slíks.

Ef ágreiningur rís um skilning á ákvæðum samþykktar þessarar, úrskurðar

borgarstjórn það, að fenginni umsögn lögreglustjóra, en skjóta má þeim úrskurði til ráðherra, og er úrskurður hans endanlegur.

2. gr.

Daglegur afgreiðslutími smásöluverzlana og annarra sölustaða, er samþykkt þessi tekur til, skal vera sem hér segir, nema öðruvísi sé sérstaklega ákveðið í samþykktinni:

Virka daga skal heimilt að opna sölustaði kl. 8.00 og lokað skal þeim ekki síðar en kl. 18.00.

Á föstudögum skal heimilt að halda sölustöðum opnum til kl. 22.00.

Á laugardögum skal heimilt að halda sölustöðum opnum til kl. 13.00 á tímabilinu frá 1. maí til 30. september, en til kl. 16.00 á tímabilinu 1. október til 30. apríl.

Síðasta virkan dag fyrir aðfangadag jóla skal heimilt að hafa verzlánir opnar til kl. 24.00.

Borgarráð getur að fengnum tillögum lögreglustjóra heimilað, að sölustaður verði opnaður fyrr en segir í grein þessari.

3. gr.

Borgarráð getur heimilað tilteknum fjölda verzlana að hafa opið til kl. 22.00 alla daga, nema þá, sem um getur í A-lið 7. gr., sbr. og C-lið sömu greinar.

Fjöldi slíkra verzlana og nánari tilhögun alla ákveður borgarráð að fengnum tillögum stjórnar Kaupmannasamtaka Íslands og Kaupfélags Reykjavíkur og nágrennis. Að því skal stefnt, að íbúar í skipulögðum íbúðarhverfum borgarinnar geti náð til verzlunar, þar sem á boðstólum er sæmilegt úrval helztu nauðsynjavarar, enda sé verzlunin ekki óhæfilega langt frá heimilum þeirra. Við það skal miðað, að verzlánir í borginni hafi sem jafnastan rétt til þessarar verzlunarþjónustu, þó innan þeirra marka, sem heildarskipan þessara mála setur.

Áður en borgarráð tekur endanlega ákvörðun um tillögur þær, sem um ræðir í 2. mgr., skal gefa Húsmæðrafélagi Reykjavíkur, Neytendasamtökunum og Verzlunarmannafélagi Reykjavíkur kost á að láta í ljós álit sitt um þær.

4. gr.

Mjólkur- og brauðbúðir mega vera opnar kl. 8.00—18.00 virka daga nema laugardaga, en þá skal lokað eigi síðar en kl. 16.00. Á sunnudögum og eins öðrum dögum, er taldir eru í B-lið 7. gr., skal lokað eigi síðar en kl. 16.00.

5. gr.

Borgarráð getur, að fengnum tillögum lögreglustjóra og heilbrigðisnefndar, leyft, að vikið sé frá ákvæðum 2. gr., þegar um er að ræða söluturna eða sambærilega sölustaði, og fer þá um afgreiðslutíma þeirra, svo sem segir í 3. gr., 1. mgr., þó þannig að borgarráð getur heimilað, að þeir verði opnir til kl. 23.30.

Sölustaðir þeir, er um getur í 1. mgr., skulu algerlega aðgreindir frá verzlun eða birgðageymslu verzlunar, og má sala þar einungis fara fram um söluop.

Þar skal heimilt að selja kort, frímerki, dagblöð, tímarit, rittföng, rafmagnsöryggi, nýja ávexti, ís, sælgæti, tóbaksvörur, eldspýtur, öl, gosdrykki, heitar pylsur, rakblöð, raksápu, handsápu, tannkrem, rafhlöður, ragmagnsperur, spil, skyndiplástur og annað slíkt. Heilbrigðisnefnd ákveður, hvað selja megi á hverjum stað og ákveður nánar, hvernig umbúnaði skuli hagað. Á hverjum sölustað skal komið fyrir á stað, þar sem viðskiptamenn geta greinilega séð, skrá um, hvað selja má á staðnum, og skal sú skrá staðfest af trúnaðarmanni nefndarinnar.

Borgarráð getur og heimilað, að söluturnar með biðskýli, er starfa samkvæmt sérstöku samkomulagi við borgarráð, megi vera opnir til kl. 23.30 alla daga

nema þá, er um getur í A-lið 7. gr., sbr. og C-lið. Heilbrigðisnefnd ákveður, hvaða vörur þar megi hafa til sölu, sbr. 3. mgr., og setur nánari skilyrði um umbúnað allan.

6. gr.

Borgarráð getur að fenginni umsögn heilbrigðisnefndar, heimilað, að verzlunarir, sem eingöngu selja smurt brauð, öl, gosdrykki og mjólk, megi vera opnar með þeim hætti, er um getur í 1. mgr. 3. gr.

Enn fremur getur borgarráð með sama hætti heimilað, að fyrirtæki, er selja um söluop og hafa eingöngu á boðstólum heitar pylsur, smurt brauð, annan tilbúinn mat innpakkaðan, mjólk og heita drykki, megi vera opnar til kl. 23.30. Að fengnum meðmælum lögreglustjóra getur borgarráð leyft að sala fari þar fram eftir kl. 23.30, en þá skal jafnframt ákveðið, hvenær lokað skuli.

7. gr.

Um lokun sölustaða á einstökum helgidögum og hátíðisdögum gilda eftirfarandi reglur:

- A. Föstudaginn langa, páskadag, hvítasunnudag og jóladag skal öllum sölustöðum lokað allan daginn.
- B. Alla sunnudaga, nýársdag, skírdag, annan páskadag, sumardaginn fyrsta, annan hvítasunnudag, uppstigningardag, 17. júní, fyrsta mánudag í ágúst og annan jóladag skal sölustöðum lokað allan daginn, sbr. þó undantekningarákvæði í 3.—6. gr.
- C. Aðfangadag jóla og gamlársdag skal öllum sölustöðum lokað eigi síðar en kl. 13.00.

8. gr.

Í kvikmyndahúsum, leikhúsum, á íþróttavöllum, útiskemmtistöðum og slíkum stöðum skal heimilt, að fengnu samþykki heilbrigðisnefndar, að selja sælgæti, tóbak, ís, gosdrykki og annað slíkt, sem ætla má að neytt verði á staðnum. Einnig má selja sýningarskrár, minjagripí eða annað slíkt, sem eðlilegt telst að þar sé til sölu, utan þess tíma, er um getur í 2. gr., þó aldrei eftir að sýningu lýkur eða skemmtistað er lokað.

9. gr.

Eftir lokunartíma sölustaða er óheimilt að selja þann varning, sem verzlunaryrði þarf til sölu á. Þó skal heimilt að afgreiða þá menn, sem komnir eru í verzlun eða sölustað, þegar lokað er.

10. gr.

Lögreglustjóri getur heimilað í einstökum tilvikum rýmri sölutíma en segir í samþykkt þessari, þegar hann telur sérstaka ástæðu til, meðal annars þegar ákveðið er, að ágóði af sölu renni til almenningsheilla.

Borgarráð getur og leyft rýmri afgreiðslutíma, þegar um er að ræða sölu á lifandi blómum, sölu á garðplöntum að vori til og sölu á jólatrjám og slíkum vörum í desembermánuði, svo og áþekka sölu, þar sem eðlilegt telst, að rýmri afgreiðslutími sé.

11. gr.

Fyrir leyfi, skv. 5. gr., skal greiða gjald í borgarsjóð, kr. 10000.00 á ári, er greiðist fyrirfram fyrir hálf t. ári í senn. Ef leyfishafi er ekki jafnframt eigandi þess húsnæðis, sem sala fer fram í, getur borgarráð sett það skilyrði fyrir veitingu leyfis, að eigandinn ábyrgist jafnframt greiðslu gjaldsins.

Borgarráð getur veitt aðila, er rekur biðskýli fyrir strætisvagnafarþega í sambandi við söluturn, undanþágu frá greiðslu gjalds, skv. 1. mgr.

Ef leyfishafi brýtur samþykkt þessa eða skilyrði, sem borgarráð, heilbrigðisnefnd eða lögreglustjóri setja fyrir leyfi, eða rekstur sölustaðar þykir ekki fara vel úr hendi, má borgarráð svipta leyfishafa leyfinu, enda hafi leyfishafi ekki látið segjast við aðvörun. Jafnframt má þá ákveða, að leyfi verði ekki veitt til slíks rekstrar á viðkomandi stað um tiltekinn tíma.

12. gr.

Brot gegn samþykkt þessari varða sektum allt að 1500 kr. Með mál út af brotum á samþykktinni skal farið að hætti opinberra mála.

13. gr.

Samþykkt þessi, sem borgarstjórn Reykjavíkur hefur samið og samþykkt samkv. lögum nr. 17 1. febrúar 1936, um samþykktir um lokunartíma sölubúða, öðlast gildi 1. febrúar 1964, með þeim takmörkunum þó, sem lög nr. 45 15. júní 1926, um almannafrið á helgidögum þjóðkirkjunnar setja.

Jafnframt er felld úr gildi samþykkt nr. 104 24. ágúst 1944, um lokunartíma sölubúða og sölustaða og takmörkun á vinnutíma sendisveina í Reykjavík, ásamt breytingum, er á henni hafa verið gerðar, þ. e. samþykktum nr. 20 12. febrúar 1947, nr. 155 13. nóv. 1948 og nr. 90 28. maí 1957.

Ákvæði til bráðabirgða.

Leyfi til kvöldsölu, sem nú eru í gildi, skulu halda gildi sínu til og með 31. janúar 1964.

Nú hefur aðili lagt í verulegan kostnað við að breyta sölustað, þar sem hann rekur nú kvöldsölu, til samræmis við ákvæði samþykktar þessarar, og getur borgarráð fellt niður leyfisgjald hans árið 1964 að nokkru eða öllu leyti.

Félagsmálaráðuneytið, 6. desember 1963.

F. h. r.

Hjálmar Vilhjálmsson.

Gunnlaugur Þórðarson.

S A M Þ Y K K T**um lokun sölubúða í Dalvíkurkaupþúni.**

1. gr.

Sölubúðum í Dalvíkurkaupþúni skal lokað eftir því sem ákveðið er í 2., 3. og 4. samþykktar þessarar.

2. gr.

Alla virka daga ársins skal almennum sölubúðum lokað eigi síðar en kl. 18 og eigi opnaðar aftur fyrr en kl. 8.30 árdegis næsta virkan dag. Þó skulu vera frá þessu þær undantekningar, er nú skal greina:

Aðfangadag jóla og gamlársdag skal sölubúðum lokað eigi síðar en kl. 13.

Síðasta virkan dag fyrir aðfangadag jóla er heimilt að halda sölubúðum opnum til kl. 24. Síðasta laugardag fyrir jól, eða annan virkan dag skömmu fyrir jól, er heimilt að halda búðum opnum til kl. 22.